

Date – 29/05/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Cyclone Remal avanga Aizawl leh a chhehvela chhiatna hrang hrang thlenga nunna chan zat chu mi 30 vel an tling tawh a, ruang zawn mek mi 7 vel anla awm nia hriat a ni.
2. Tlawng lui nasa takin a lian a, tuilian avang hian Sairang khuaa chhungkaw 57 chu hmun him lama thiar chhuah an ni.
3. Cyclone Remal chu Aizawl District in tuar nasa ber a, Sairang leh Lengpui atangin tih loh, kawngpui dang atangin Aizawl khawpui a tlawhpawh theih rih loh.
4. Ramchhunga rilru lama harsatna tawkte tanpui tura siam National Tele Mental Health Programme Tele-MANAS Helpline chuan kum 2022 October thlaa din anih atangin betu nuai 10 chuang a nei tawh.



CYCLONE

Cyclone Remal avanga Aizawl leh a chhehvela chhiatna hrang hrang thlenga nunna chan zat chu mi 30 vel an tling tawh a, ruang zawn mek mi 7 vel anla awm nia hriat a ni.

Chhiatna thlengah hian nimin khan hmun hrang hrangah ruang 28 hmuh a ni a, hriat theih chinah vawiin lamah 2 hmuh belh leh niin heng te hi Mizo pakhat leh hnamdang pakhat an ni a, ruang la hmuh loh hi zawn chhonzawm zel a ni.

Melthum venga chhiatna thlengah nimin lamah ruang 13 hmuh a ni a, vawiin khan hmeichhe ruang hmuh belh leh niin

Melthum ah hian ruang zawn mek Mizo pali leh hnam dang 2 an awm niin thudawn a ni.

Melthum Branch YMA Treasurer Pu Levia Vanlalruata chuan YMA branch hrang hrangin hnatlangin an puih thu Akashvani corr a hrilh a, member 1000 dawn an thawkchhuak tih sawiin heng bakah hian National Disaster Response Force bakah Fire and Emergency Services, Disaster Management & Rehabilitation Department leh Save the Riparian bakah Assam Rifles te an thawkchhuah a ti bawk.

Byte – 28 Secs

(CORR)



DM&R SECRETARY

Disaster Management & Rehabilitation department Secretary Pi K. Lalrinzuali, chuan Cyclone Remal lo thleng turah hian District Disaster Management Authority hrang hrang te hmalaknaa theihtawp chhuaha lo inralrin ni mah se thli leh ruah nasa lutuk avangin chhياتna tam tak a thleng a ti a.

Electric line hrang hrang a chhيات nasat avangin inbiakpawhna thlengin harsatna a awm tih sawiin chhياتna chungchang report an pekchhuah tur pawh an duh anga ranga an inpek tawn theih loh thu leh, hei hian harsatna hrang hrang a thlen thu a sawi a. Sorkar department hrang hrang leh chhياتna thlenna hmuna khawtlang mipuite tanrualna chu lawmawm a tih thu a sawi a ni.

Pi K. Lalrinzuali chuan vawiin tlai thlenga department chhinchhiah danin Mizoram chhunga khaw 167-ah chhياتna a thleng a. Aizawl district-ah hmun 59, Lunglei district-ah hmun 30, Siaha district-ah hmun 9, Champhai district-ah hmun 12, Kolasib district-ah hmun 8, Serchhip district-ah hmun 11, Lawngtlai district-ah hmun 8, Mamit district-ah hmun 11, Saitual district-ah hmun 10, Khawzawl district-ah hmun 5 leh Hnahthial district-ah hmun 4-ah te chhياتna hrang hrang a thlen thu a sawi a ni.



57 HOUSES EVACUATED IN SAIRANG

Nimin lama ruah tam tak sur avangin Tlawng lui nasa takin a lian a, tuilian avang hian Sairang khuaa chhungkaw 57 chu hmun him lama thiar chhuah niin hriat theih chinah tui len ber tum ni a sawi a ni.

Sairang Branch YMA Secretary HVL Muanpuia sawi danin nimin lama ruah sur avang hian chhungkaw 57 lai chu hmun him lamah thiarchhuah niin heng bakah hian Kali Mandir, Muslim biakin, school leh Anganwadi te chu tui hian a chim bawk a ni.

Hetihlai hian vawiin lamah ruahtui a tlak belh tawhloh avangin tui pawh a kam hret a, chhungkaw thenkhat chu an chenna inah an inthiar lut leh mek a ni.

Sairang Branch YMA Secretary chuan tun tuma tuilian in a chim chin chu an hriat theih chinah a san ber tum a thleng a ti a, Kum 2018 kuma Disaster Management and Rehabilitation Department in a chim chin lung a phun pawh a pel tih a sawi a ni.

Byte – 19 secs

(CORR)



ROAD BLOCK

Cyclone Remal avanga thlipui thawk leh ruahpui vanawn sur Aizawl District in tuar nasa ber a, leimin avangin Aizawl khawpui tlawhpawh theih lohvin a awm nghal a, vawiin tlai dar 5 thleng khan Sairang leh Lengpui panna kawng tih loh chu ala tlang lo nia hriat a ni.

Aizawl - Chhim lam kawng, Trinity hospital piah a min chu then fai ni tawh mahse KS Thanga chawlhbuk bula leimin a awm thar leh avangin kawng a ping leh a, Aizawl lam atangin kawng tih tlang tumin theihtawp an chhuah a. Hualngo lam atangin nawr bawkin rang taka tih tlang tumin theihtawp an chhuah tih PWD hotute chuan an sawi.

Aizawl leh Chhimpheia khaw hrang hrang khaw kar kawng leiminin a hnawh pin avang hian harsatna nasa tak a thleng a, harsatna karah mipui chuan theihtawp chhuahin tanpui ngai leh chhanchhuah ngai te an chhawmdawl a,

Heilai kawng hi lirthei a kaltlang theih anih loh avangin ruang zawn leh damlo phurh thu ah Chhimpheia khaw hrang hrang tangrualin anmahni khua theuhah inhlanchhawngin an hnaih ber damdawiin ZMC an thlen thei a ni.

Vawiin khan Salem Veng leimina thi, Lalvohbiki chu Pangzawl khuaa pasal nei anih avangin Pangzawl thlen turin Melthum thleng lirtheia phurh phei a ni a, heta tang hian khaw tinin a ruang hi zawnin an inhlanchhawng a, Sumsuih thleng zawnin Sumsuih atang hi chuan lirthei a tlang theih tawh avangin lirtheia phurh a ni ang.

Melthum atanga Sumsuih thlen tur hian, Hualngohmun-Melriat-Kelsih-Falkawn-Muallungthu-Tachhip-Aibawk-Sateek-Maubuang leh Thiak te patlangin hetah hian YMA leh VC huaihawtin khawtin mi tlawmngai ten ke in an zawn a ni.

Hetiang bawk hian Phulpuia leimina hliam 1 chu ZMC thlen turin nimin khan khaw hrang hrangin an inhlanchhawng bawk a, damlo leh harsatna nei te pawh an zawn a ni.

Chhim lam atanga lo phei hi Sumsuih atangin khaw tinin an ramriah theuh an lo hmuak. Khawkar kawngah leimin avanga kawng ping hi hmun engemawzatah a awm.

Phulpuia in chimin a delh pawh zawn niin ZMC thleng zawn thlen a ni.

(CORR/PTC's)



CEMETARY

Aizawl khawchhunga chhiatna thleng zingah, thlanmual min a awm nual a, veng hrang hranga thlanmual minin, thlan chhia hi 200 vel a tling ni a thudawn a ni.

Aizawl-a Republic Veng, Kanan Veng leh Kulikawn Veng thlanmual te a min a, nimin leh vawiin lamah hnatlangin khawtlang chuan a siamthat hna an thawk a ni.

(CORR)



KOLASIB

Tlawng lui lianin Bairabi khua hmun thenkhat a harsatna a thlen mek a, Bairabi khawtlang hruaitute tarlan danin tui lian

avang hian nizan thlengin chhungkaw 21 chu hmun him lam ah sawn chhuah an ni a. Tui lianin lawng te a lak bo loh nan tlaivarin vengtu an indah a ni.

Tlawng lui hi kum 1989, 2008, 2017 leh 2018 khan nasa takin a lo lian tawh a, hemi avang hian kumin fur lo thleng tur atan pawh hian khawtlang hruaitute an lo inhmakhua lawk a. Amaherawhchu tui lian hian Tlawng kam a huan siam thahnem tak a tichhia a, ruah a sur belh rih loh avangin tui lian pawh a kam ve zel rih niin khawtlang hruaitute chuan an sawi a ni.

Bairabi hi vawiin khan Kolasib DC Pu John LT Sangan a tlawh a, Bairabi khawtlang hruaitute nen tui lian vang a harsatna tawk chhungkua te chhawmdawl dan tur an rel a ni.

(DIPR)



CHIEF MINISTER

Chief Minister Pu Lalduhoman ruihhlo supply titem tura hmalakna Excise & Narcotics Department kuta dah anih avangin hna an ngah dawn a, sum leh pai pawh an mamawh belh dawn a ti.

Chief Minister hian he thu hi Excise & Narcotics Department hotute a kawmnaah a sawi a. Chief Minister chuan Mizoram Ruihhlo Do Core Committee in Excise & Narcotics Department mawhphurhna a pek thar avanga mamawh hrang hrang hre tur chuan an dinhmun leh hmachhawp te hriat an duh thu a sawi a. Sawrkar hmalakna puitling zo ta lo sawi tur a lo awm nual tih sawiin sum leh pai tam tak sawrkarin a sen si avangin chutiang chu tih bo an duh a. Hei vang hian department tinin an project duan te chu Planning Board kaltlang zela thehluh tawh tur an tih thu leh Excise & Narcotics department ruahmanna te pawh thehlut phawt se, a tul anga an lo zir dawn thu a sawi a ni.

Excise & Narcotics department hotuten report an pek danin kum 1984 atanga vawiin thlengin Mizoramah drugs vanga thi 1,842 an awm tawh a. An zinga 1616 chu mipa niin 226 chu hmeichhia an ni a. Kumin 2024 bikah mipa 25 leh hmeichhia 7 an thi tawh a ni.

Excise & Narcotics department hotute chuan zu vanga thi chu mumal taka record neih a harsat thu an sawi a. Tunah hian sawrkar laipui chuan Drugs dona campaign Nasha Mukh Bharat

Abhiyan an kalpui mek tih sawiin he awareness campaign hnuaiah hian India rama district 272 te chu drugs laka derthawng bik (vulnerable district) ah puan a nih thu leh Mizorama district 6 an tel ve thu an sawi bawk a ni.

(Corr)



LOK SABHA

Lok Sabha inthlan thawsarihna leh a tawp ber tur atan campaign chuan a vawrtawp a hnaih tan a. Naktukah campaign hun a tawp ang. Inthlan thawhsarihnaah hian Parliament Constituency 57 ah June ni 1 ah vote thlak tur a ni a. State leh Union Territory pasarihah inthlan a ni ang.

Inthlan thawhsarihnaah hian candidate 904 an awm dawn a ni.

Prime Minister leh Senior BJP leader Narendra Modia chuan khawvelin zah takin India an en tawh tih sawiin US, Europe emaw Japan pawh nise dinhmun sang takah an dah tawh a ti. Vawiina West Bengal-a Mathurapur-a vantlang inkhawmah he thu hi sawiin Pu Modia chuan BJP kaihhruai NDA sawrkar mipuiten an vote avangin hetiang dinhmun sang hi ramin a thlen phah a ni a ti.

Hetihlai hian Congress hruaitu Rahul Gandhi chuan Punjab-a Ludhiana-ah thusawiin an sawrkar anih chuan loneitute tan MSP siam a tiam a, loneitute loan ba pawh ngaihdam anih tur thu sawiin ram danpui humhim turin tun inthlanpuiah hian an bei tih a sawi a ni.

(Newsonair)

